

municipal de Baiona para el año 2008, se anuncia la exposición al público de las nuevas tarifas por un plazo de 15 días hábiles, de conformidad con lo señalado en el artículo 22 del Real Decreto 763/1979 de 16 de marzo por el que se aprueba el Reglamento Nacional de los Servicios Urbanos e Interurbanos de Transportes en automóviles ligeros, modificado por Real Decreto 236/1983 de 9 de febrero, al objeto de que las asociaciones profesionales de empresarios y trabajadores, representativas del sector y las de los consumidores y usuarios, efectúen las alegaciones que estimen pertinentes.

Baiona, 5 de agosto de 2008.—El Alcalde, Jesús Vázquez Almuiña. **2008008377**

E D I C T O

Aprobado inicialmente por el Pleno del Ayuntamiento de Baiona en sesión de 31 de julio de 2008 la modificación de las siguientes Ordenanzas Fiscales:

- Ordenanza Fiscal nº 10 reguladora de la tasa por prestación del servicio público de grúa para la retirada de vehículos de la Vía pública y su custodia
- Ordenanza Fiscal nº 14 reguladora de la tasa por los servicios que se prestan en instalaciones deportivas municipales.

Se anuncia la exposición al público de las modificaciones citadas, por un plazo de 30 días hábiles, de conformidad con el artículo 17 del Texto Refundido de la Ley Reguladora de las Haciendas Locales, aprobada por Real Decreto Legislativo 2/2004 de 5 de marzo, al objeto de que los interesados que lo estimen oportuno puedan presentar reclamaciones y sugerencias a las mismas.

Baiona, 1 de agosto de 2008.—El Alcalde, Jesús Vázquez Almuiña. **2008008378**

* * *

SANXENXO

A N U N C I O

Aprobada definitivamente a “Ordenanza pola que se regulan as medidas para compatibilizar a normal convivencia e o lecer nas vías e outros lugares públicos do Concello de Sanxenxo” exponese ó público, en cumprimento do establecido no Art. 70.2 da Lei 7/1985, de 2 de abril, Reguladora das Bases de Réxime Local para su entrada en vigor.

ORDENANZA POLA QUE SE REGULAN AS MEDIDAS PARA COMPATIBILIZAR A NORMAL CONVIVENCIA E O LECER NAS VÍAS E OUTROS LUGARES PÚBLICOS DO CONCELLO DE SANXENXO

EXPOSICIÓN DE MOTIVOS

As novas formas de relación dos cidadáns da cidade fan que, en ocasións, pertúrbese a convivencia entre os mesmos, e fágase un uso inadecuado dos lugares públicos.

A administración local, e dentro dela os concellos, como entes máis próximos aos cidadáns, fan que sexan as institucións idóneas para regular e garantir a convivencia dentro do seu respectivo territorio dos habitantes que nel residen. A Constitución Española, no seu artigo 103.1 esixe da administración o servir con obxectividade os intereses xerais.

O mesmo texto legal, dentro dos principios reitores da política social e económica, establece como dereitos dos cidadáns, no seu artigo 39.4 a protección dos menores e nos seus artigos 43 e 45 o dereito á protección da saúde e ao aproveitamento dun medio ambiente adecuado.

A presente ordenanza pretende compatibilizar a normal convivencia e o lecer nas vías e outros lugares públicos do concello de Sanxenxo, impedindo aquelas condutas que perturben a tranquilidade e o descanso ao que todo cidadán ten dereito.

Por outra banda, a mesma non pretende ser exclusivamente un mecanismo represor de condutas e, así, establece unha serie de medidas preventivas orientadas á información e á educación cidadás, poñendo unha especial énfase nos mozos.

Ademais, a ordenanza contempla a realización de traballos ou actividades en beneficio da comunidade ou a participación en cursos de todos aqueles cidadáns que resulten sancionados por aplicación da mesma, substitución que pretende ter efectos disuasorios e ao mesmo tempo espertar a conciencia do infractor.

Esta intervención na actividade dos cidadáns pretende, en fin, impedir e previr condutas prexudiciais duns cidadáns que outros non teñen o deber e a obrigaición de soportar e, ao mesmo tempo, pretende fomentar a cultura de saber estar.

CAPÍTULO I DISPOSICIÓN XERAIS

ARTIGO 1.—OBXECTO

Constitúe o obxecto da presente ordenanza establecer a prohibición do consumo de bebidas alcohólicas nas vías e outros lugares públicos do concello de Sanxenxo, co fin de garantir a convivencia e a seguridade cidadás, o dereito á intimidade e o descanso no domicilio, a protección dos menores e, a utilización ordenada de devanditas vías e espazos

públicos, protexendo a libre utilización destes últimos pola cidadanía e evitando a alteración da convivencia cidadá.

Pretende ademais, e dentro das competencias que se atribúen ao concello, a prevención do abuso do alcohol no ámbito territorial do termo municipal.

**ARTIGO 2.—MEDIDAS PREVENTIVAS.
INFORMACIÓN E EDUCACIÓN**

O Concello de Sanxenxo promoverá e impulsará o asesoramento e orientación na prevención e tratamento do consumo de bebidas alcohólicas, conforme ao Plan Municipal de Prevención de Drogodependencias e á Dinamización Xuvenil do concello.

Desenvolveranse campañas informativas que conciencien sobre a inxestión abusiva de bebidas alcohólicas co obxectivo de modificar os hábitos e actividades en relación co consumo das mesmas.

As medidas preventivas de información e educación fronte ao consumo de bebidas alcohólicas, debe de ter especial relevancia no que aos mozos refírese.

ARTIGO 3.—MARCO LEGAL

O marco normativo, dentro do que se desenvolve esta Ordenanza vén establecido por:

— A Lei 7/1985, de 2 de abril, Reguladora das bases de réxime local e demais disposicións regulamentarias. En especial o artigo 25.2 apartado a) seguridade en lugares públicos, apartado h) protección da salubridade pública e apartado k) prestación dos servizos sociais e de promoción e reinserción social.

— A Lei 5/1997, de 22 de xullo, de Administración local de Galicia.

— A Lei 14/1986, de 25 de abril, Xeneral de sanidade.

— A Lei 2/1996, de 8 de maio, sobre Drogas da Comunidade Autónoma de Galicia.

— Lei 13/2006, de 27 de decembro, de Horarios comerciais de Galicia.

CAPÍTULO II

PROHIBICIÓNS E LIMITACIÓNS

ARTIGO 4.—ACTIVIDADES PROHIBIDAS

1.—Queda prohibida a permanencia e concentración de persoas nas vías e espazos públicos consumindo bebidas alcohólicas e en especial cando devanditas concentracións leven a cabo entre as 22:00 e as 08:00 horas do día seguinte, alterando a normal convivencia cidadá.

2.—Queda prohibida a venda, distribución e subministración de bebidas alcohólicas en vías e zonas públicas, incluso desde vehículos automóbiles, caravanas, carros, barracas ou similares, realí-

cense a título oneroso ou gratuíto, excepto nos supostos autorizados expresamente polo concello.

3.—Queda prohibida a venda, distribución e subministración de bebidas alcohólicas, destinadas ao consumo fora do propio establecemento de venda, entre as 22:00 e as 08:00 horas do día seguinte, con excepción dos supostos de veladores e terrazas de establecementos dedicados a restauración ou hostalería.

ARTIGO 5.—EXCEPCIÓNS

1.—Quedan exceptuadas da prohibición do artigo anterior, as actividades relacionadas coa venda e consumo de bebidas na vía pública, en días de festa patronal ou festexos populares, feiras e romarías.

2.—Quedarán tamén exceptuados da prohibición do artigo anterior, as concentracións e reunións de persoas, cando contén coa correspondente autorización ou licenza municipal.

3.—Poderán servirse e consumirse bebidas, respectando os horarios legalmente establecidos en, veladores e terrazas de establecementos dedicados a restauración ou hostalería.

ARTIGO 6.—DA ACTUACIÓN INSPECTORA

1.—A Policía Local así como os servizos técnicos municipais competentes inspeccionarán de oficio ou a instancia de parte, os establecementos aos que se refire a presente ordenanza, ao obxecto de comprobar o cumprimento das determinacións establecidas na mesma.

2.—A Policía Local procederá á identificación das persoas que se atopen incumprindo o preceptuado na presente ordenanza, dispersando no seu caso, as persoas concentradas que alteren a orde pública.

3.—Comprobado pola Policía Local, como consecuencia da inspección realizada, algún feito subsumible nas condutas descritas como prohibidas pola presente ordenanza, estenderá o correspondente boletín de denuncia ou levantará acta en triplicado exemplar, nos que se fará constar os feitos presuntamente constitutivos da infracción e os datos que permitan a identificación do presunto infractor, entregando copia ao interesado e remitindo o orixinal ao órgano instructor para que, se no seu caso procede, a incoación do oportuno expediente sancionador.

4.—Nos supostos de consumo de bebidas alcohólicas nas vías ou espazos públicos, os axentes da autoridade retirarán e intervirán as mesmas, así como os envases e demais elementos afectos á infracción cometida, co obxecto da súa destrución inmediata.

CAPÍTULO III
DO RÉXIME SANCIONADOR

ARTIGO 7.—PRINCIPIOS XERAIS

O procedemento para a sanción das infraccións sinaladas na presente ordenanza aplicarase de conformidade coa Lei 30/1992, de Réxime xurídico das administracións públicas e do procedemento administrativo común; o Título XI da Lei 7/1985, Reguladora das bases do réxime local e o Regulamento de procedemento para o exercicio da potestade sancionadora.

ARTIGO 8.—CLASIFICACIÓN DAS INFRACCIÓNS

As infraccións clasifícanse en moi graves, graves e leves.

ARTIGO 9.—INFRACCIÓNS MOI GRAVES

Son infraccións moi graves

- a) As concentracións de persoas na vía pública nas que se consuma alcohol e que vulneren o disposto no artigo 4.1 da presente ordenanza, causando unha perturbación grave da convivencia cidadá.
- b) A venda, distribución e subministración de bebidas alcohólicas vulnerando a prohibición do artigo 4.2 da presente ordenanza.
- c) O incumprimento das ordes ou requirimentos formulados polas autoridades municipais ou os seus axentes en directa aplicación da presente ordenanza.
- d) A comisión de dúas faltas graves no prazo dun ano, cando se sancionou a primeira delas por resolución firme en vía administrativa.

ARTIGO 10.—INFRACCIÓNS GRAVES

Son infraccións graves

- a) As concentracións de persoas na vía pública nas que se consuman bebidas, que afecten negativamente á convivencia cidadá, sen causar unha perturbación grave da mesma.
- b) O consumo de alcohol na vía pública.
- c) A comisión de dúas faltas leves no prazo dun ano cando se sancionou a primeira delas por resolución firme en vía administrativa.

ARTIGO 11.—INFRACCIÓNS LEVES

Son infraccións leves

- a) As cometidas por simple descoido ou negligencia leve, que supoñan a vulneración do disposto na presente ordenanza e repercutan na idónea convivencia cidadá.
- b) Calquera das condutas reguladas nos artigos anteriores que non revistan a condición de moi graves ou graves.

ARTIGO 12.—SANCIÓN

As infraccións anteriores sancionaranse con arranxo ao seguinte baremo:

- Infraccións moi graves, multa de 1.501 ata 3.000 euros.
- Infraccións graves, multa de 751 ata 1.500 euros.
- Infraccións leves, multa de 200 ata 750 euros.

ARTIGO 13.—CRITERIOS PARA A GRADACIÓN DA SANCIÓN

Para a determinación das sancións previstas na presente ordenanza terase en consideración o principio de proporcionalidade e, en todo caso, os seguintes criterios de gradación :

- a) A existencia de intencionalidade.
- b) A natureza dos prexuízos causados.
- c) A transcendencia da infracción.
- d) A reincidencia.
- e) A capacidade económica da persoa infractora.
- f) O beneficio obtido.

ARTIGO 14.—PERSOAS RESPONSABLES

Considéranse persoas responsables e, xa que logo, poderán ser sancionadas polos feitos que poidan constituír infraccións ao disposto nesta ordenanza, as persoas físicas e as xurídicas responsables das mesmas, aínda a título de mera inobservancia.

Os pais, nais ou persoas que resulten legalmente responsables dos menores de idade que dependan delas serán responsables civís subsidiarios.

En todo caso comunicaranse ás persoas do parágrafo anterior as infraccións cometidas polos menores de idade ao seu cargo.

ARTIGO 15.—FEITOS CONSTATADOS POLOS AXENTES DA AUTORIDADE

Os feitos constatados polos axentes da autoridade, e que se formalicen en documento público, con observancia dos requisitos legais pertinentes, teñen valor probatorio, sen prexuízo das probas que en defensa dos respectivos dereitos ou intereses poidan sinalar ou achegar os propios administrados.

ARTIGO 16.—COMPETENCIA SANCIONADORA

O exercicio da potestade sancionadora corresponde ao alcalde ou alcaldesa, de acordo co establecido no artigo 21.1 apartado n) da Lei 7/1985, de 2 de abril, Reguladora das bases de réxime local.

ARTIGO 17.—POSIBILIDADE DE SUBSTITUCIÓN DAS SANCIÓNS

As sancións económicas impostas pola comisión de infraccións graves e leves poderán ser substituídas:

- a) Se o infractor acepta a realización de traballos ou actividades en beneficio da comunidade establecidos no concello.
- b) Se o infractor participa nos cursos que o concello determine e que puidesen impartirse sobre a prevención do consumo de alcohol e coñecemento dos seus efectos sobre a saúde, así como sobre prevención dos efectos vandálicos co fin de propiciar a adecuada convivencia.

ARTIGO 18.—COMPETENCIA E PROCEDIMENTO PARA A SUBSTITUCIÓN DAS SANCIÓNS

1. É competente para a substitución das sancións económicas a mesma autoridade que o é para a imposición das mesmas.

2. O procedemento para a substitución incoarase cando o infractor manifieste, mediante a correspondente solicitude, a súa vontade de realizar traballos ou actividades en beneficio da comunidade ou a súa participación en cursos.

3. A substitución da sanción producirá os efectos de suspender o prazo de prescrición da mesma polo tempo previsto de duración dos traballos, actividades ou cursos.

4. Durante o tempo de substitución, a autoridade competente poderá efectuar o seguimento que considere oportuno sobre as asistencias e resultados das tarefas correspondentes.

5. A realización dos cursos, actividades ou traballos polos infractores de xeito satisfactorio suporá a remisión da sanción ou sancións impostas.

6. O incumprimento das medidas substitutorias ou a comisión dunha nova infracción das tipificadas en esta ordenanza suporán a execución da sanción imposta.

DISPOSICIÓN DERROGATORIA

Quedan derogadas cantas disposicións municipais de igual ou inferior rango opóñanse ao disposto nesta ordenanza.

DISPOSICIÓN FINAIS

Primeira.—Queda facultada a alcaldía do Concello de Sanxenxo para ditar cantas instrucións resulten precisas para a adecuada interpretación e aplicación desta ordenanza.

Segunda.—A presente ordenanza entrará en vigor ao día seguinte da publicación íntegra do seu texto no Boletín Oficial da Provincia.

Sanxenxo, 11 de agosto de 2008.—O alcalde en funcións, Ángel Casal Moldes. **2008008399**

A N U N C I O

Con data 01/08/2008 a Sra. alcaldesa-presidenta, ditou a seguinte resolución:

DECLARACIÓN DE PROPOSTAS DE BAIAS DE OFICIO:

Examinados os expedientes incoados neste concello de Sanxenxo, de conformidade co disposto no artigo 72 do Regulamento de poboación e demarcación territorial das entidades locais, como resultado dos cidadáns empadroados incumprindo o artigo 54 do mesmo regulamento, resultan acreditados os seguintes:

FEITOS:

1.—Mediante o ficheiro de intercambio da información mensual dos movementos poblacionais entre o Instituto Nacional de Estadística (ine) e este concello, así como os escritos presentados polos distintos veciños comunicando que as persoas que se citan xa non residen nos enderezos en que figuran empadroados.

2.—Resultando que se intentou dar coñecemento a estas persoas da necesidade de realiza-los correspondentes cambios de domicilio naqueles casos procedentes, ou a súa Alta no Concello que residan habitualmente, xa que no caso contrario, esta administración procedería á declaración da súa baixa no Padrón Municipal, e como non foi posible a entrega de notificación algunha nos enderezos en que figuran empadroados requiríronse informes da Policía Local que obran nos expedientes, polo que se lles advirte que unha vez publicado o presente anuncio daránse por notificados das súas correspondentes baixas no Padrón Municipal de Habitantes.

3.—Que se interese informe da Sección Provincial do Concello de Empadramento de Pontevedra.

Atendendo ó exposto, esta alcaldía, no exercicio das atribucións que ten delegadas e de conformidade coa proposta do Xefe de Negociado da Sección de Padrón e Estatística á que prestou conformidade o Secretario da admón. municipal deste Ilmo. Concello de Sanxenxo,

RESOLVE:

De conformidade co artigo 54 do citado Regulamento se declaran as baixas de oficio das inscricións padroais dos habitantes que se relacionan de seguido, por non residir máis de seis meses ó ano neste concello, e proceder ás baixas dos mesmos no Padrón Municipal de Habitantes de Sanxenxo, con efectos dende o mesmo día da Resolución pola Alcaldía do presente acto administrativo, ó abeiro do disposto na Lei 30/1992, do 26 de novembro do réxime xurídico das administracións públicas e do procedemento administrativo común, seguintes:

Nome: Maria Purificación.

Apelido 1: Bouzas.

Apelido 2: Moldes.

Fecha Nto: 02/02/1963.

Documento: DNI-35297929.

RECURSOS PROCEDENTES:

Contra a precedente resolución que pon fin á vía administrativa, poderase interpoñer o Recurso Potestativo de Reposición ante o órgano que a ditou e no prazo dun mes a contar dende o día seguinte ó da súa notificación, ó abeiro do establecido no artigo 116.1 da Lei 30/1992 de réxime xurídico das administracións públicas e do procedemento administrativo común, segundo a redacción dada pola Lei 4/1999 pola que se modifica a primeira, ou ben directamente o recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia no prazo de dous meses contados dende o día seguinte ó da súa notificación, conforme ó disposto nos artigos 8.1 e 46.1 da Lei 29/98, do 13 de xuño da Xurisdicción Contencioso-Administrativa.

No caso de interpoñerse o recurso potestativo de reposición, deberase resolver e notificar no prazo dun mes segundo establece o artigo 117.2 da devandita Lei 30/1992, modificada pola Lei 4/1999, enténdéndose desestimado o recurso de reposición polo transcurso de dito prazo sen resolución expresa notificada, de conformidade co establecido no artigo 43.2 da Lei 30/92, modificada pola Lei 4/1999, podendo entón os interesados interpoñer recurso contencioso-administrativo no prazo de seis meses contados dende o día seguinte de aquel no que deba entenderse presuntamente desestimado o recurso de reposición interposto, consonte ó establecido no artigo 46.1) e 4) da Lei 29/1998, reguladora da xurisdicción contencioso-administrativa.

Tamén se poderá interpoñer calquera outro recurso que os interesados estimen procedente conforme a Dereito.

Sanxenxo, 1 de agosto de 2008.—A alcaldesa,
Catalina González Bea. **2008008337**

A N U N C I O

Aprobado o prego-tipo de cláusulas administrativas particulares, que rexen a contratación mediante procedemento aberto do “Servizo de Balizamento das praias”, anúnciase a convocatoria respectiva:

1. OBXECTO:

Balizamento das praias municipais.

2. PREZO:

113.879,31 €/ano (sen IVE). Prezo estimado total a seis anos: 751.603,45 €.

3. PRAZO DE REALIZACIÓN DO SERVIZO

Catro (4) anos. Prorrogable a 6 anos.

4. GARANTÍAS:

Provisoria: non se esixe ; Definitiva: 5% do prezo de adxudicación (sen IVE).

5. PUBLICIDADE:

Procederase a inserción do anuncio no perfil do contratista da páxina web municipal (*www.sanxenxo.es*) en no BOP e DOG no prazo de quince días naturais.

6. PRAZO DE PRESENTACIÓN DE OFERTAS:

Quince (15) días naturais a contar dende a última publicación do anuncio de licitación, xa ben sexa no BOP ou no DOG.

7. ÓRGANO DE CONTRATACIÓN:

Alcaldía –Presidencia. Poder adxudicador: Entidade Local.

8. CONSULTAS:

Negociado de Contratación.

9. LUGAR DE PRESENTACIÓN DE OFERTAS:

No Rexistro Xeral do Concello, ou en calquera das formas permitidas na Lei 30/1.992 e Lei 30/2.007.

10. ENDEREZO:

Rúa Consistorio, 4-6 C.P. 36960 Sanxenxo (Pontevedra).

11. MESA DE CONTRATACIÓN:

Será constituída o segundo día hábil, a contar dende o seguinte ó último de presentación de ofertas. Se concidise en sábado a Mesa será constituída o día hábil inmediato.

12. CRITERIOS DE ADXUDICACIÓN:

- Oferta económica (Ata 10 puntos).
- Calidade do traballo ou servizo obxecto do contrato que se oferte (Ata 10 puntos).
- Tarefas de mantemento, reparación, custodia e conservación dos elementos propios para ó balizamento de praias (Ata 10 puntos)
- Características e contido do traballo ou encargo técnico, actividades complementarias relacionadas co obxecto do contrato e similares (Ata 10 puntos).
- Melloras do contido de prestación sobre as contidas nas condicións técnicas (Ata 5 puntos).

Sanxenxo, 4 de agosto de 2008.—A alcaldesa presidenta, Catalina González Bea. **2008008341**